

LOU GALETOU

Direcī, redaci, administraci : 21, Vieillo routo d'Aisso, Limoges :: Téléphone 18.46

Segoundo annado ■ Numerô 4
Lou numérô : Cinq sôs (no vel per me)
Abounamen : un écu de 3 francs

AVRIL 1936

"Per dehargnâ lous Lemouzis"




Photo Jové

Qu'ei dins no vieillo galetieiro qu'un faî lous meilleurs galefous !

Veiquî lo pâto dau galetou d'Abri :

LO LEMOUZINO.....	Jean REBIER.	PER SE MARIDA.....	FRANCÈS.
LO COUADO.....	E. RUCHAUD.	LAS LAVEIRIS ET EO POLITICO	L'ORELHO DE LEBRE.
LO CHOBIARDO.....	LOU VIEI MARSAU.	LO TARSIEIRO.....	LOU PITI CHAZ-L'HOTE
LO MECHANTO MAIRE.....	VIEILLO CHANSOU.		
NO BOUNO NUVELO, PAUBRAS METADIERAS ! LO CHAMINADO QUE FUMO, UN BOUN REMEDI, LAS TREIS FILLAS DE MALIBA, QU'EI AGO...			

Si queu journau vous plâ abounas v'autreis !

Un s'abounou au bureau dau journau, 21, vieillo routo d'Aisso, dins tous lous bureus de tabac et chaz Jean Lagueny, marchand de musico, boulevard Carnot.

Drollâs a maridô, ecoutas-me. Per troubâ un galant faut sabai plaire au garsous, per plaire au garsous faut rire clair, per rire clair faut de bravas dents, per veï de bravas dents faut las fâ veire de tems en tems a d'un boun dentiste et si voulez un boun dentiste nâ chaz

Robert BIYRAND, Chirurgien-Dentiste, 38, rue Elie-Berthet, Limoges

Tu seis fier coumo un petorabo Jantissou !
 Tu preneis tous habis de noço per nà à lo feiro ?
 Tu te troumpas moun paubre Lionard... qu'ei daus habits
 de tous lous jours

Chaz DONY

d'un viro mo un faî un moussur d'un touerau coumo

LO LEMOUZINO

Lo bargeiro lemuozino
 Bloundo et fino,
 Que diomen iô rencontrei,
 Pourtavo, co se po dire,
 Tout lou Printem dins soun rire
 Et tout l'amour dins sous oueis.

Sous so couefo que tremblavo
 Lo semblavo
 No rôso dau mei d'Abri,
 Et iô prenguei l'eicoursieiro
 Trâs lous plaïs de nôsilieiro,
 Pér lo veire et per l'auvi.

Vous saurez que l'ero gento
 Et plazento
 A damnâ tous lous droullaûs
 A pleino vou lo chantâvo,
 Et lou soulei que raiâva
 Mettio de l'or dins sous piaûs.

Ne sais pas un chabretaire
 Envibiaire,
 Et per lauvâ ce qu'ei beû
 Degu m'o dit lo manieiro,
 Me que dins no châtagnieiro
 Aî tailla moun charameû ;

Mas vous preje de me creire
 Sans lo veire,
 Qu'ei no drollo facho au tour,
 Nô fillo santouço et fiero
 De lo bouno vieillo terro
 Que grâno et flurî toujours.

Douas precaucis valen mieir qu'uno et lou bouon fabuliste
 avia bien razori; ne fazez pas coumo la cigalo, fazez pus tôt
 coumo lo fermi, et per eissei segur de gardâ se que v'autreis
 avez aquesi, prenez n'assurance à :

Moussur Gabriel JOUHANNEAUD

au 21, rue Petiniaud-Beaupeyrat
 O represento n'assuranço de touto sécurita.

Las fennas et las fillas que voulent eissei billadâs à lo modo
 s'en van chaz BOUCHARA. Las lî trouben ta be qu'a Paris
 ce que se fait de pus nuveu et de pus beû. Et vous repounde
 que l'io de que chauzi.

BOUCHARA



Et so couefo virginâlo
 D'un cop d'âlo
 Po nà chaz nôtreis vezis,
 Dins l'ei rizent d'uno bello
 Is verran, trâs lo dentello,
 L'esplendour de soun païs.

Jean RÉBIER.

LO COUADO

Lo bocho, din lou mur epei de lo cousinio,
 Ei ni nicho coum'un n'en fai per loû boû sen
 Lo seillo de bouei dur se li câro, s'eisino,
 Centurado de fer ô mitan de soû ren.

Per vesî lo n'o ma lou soblou, lo terrino.
 Ma quî de lo mejou lo visiten suven.
 Dovan eilo suven i plejen lur echino
 Per se lovâ lâ mâ, per beure lur counten.

Que co cho lou mandi, lou sei, mai lo veillado,
 Lo seillo, bouno fill' e bouno camorado
 Baillo sei barguignâ l'aigo fraicho dô pou.

Leidoun, per loû servî, l'o so fillo, lo couâdo,
 Que mounto sur so mai, e, sur lou bord sciadiado,
 Per lou bou de so couo fai soun piti pissou.

E. RUCHAUD.

Per mier legi la zinzouenas, prenez de bounas lñnetas, per
 rentra lous feis, lous blas, sei lous mouilla, visâ un boum baro-
 meitre.

Vautrei troubarez tout quo chaz

GAUTIER - LAVIGNE

13, rue Saint-Martial, LIMOGES, Tél. 11.63

OPTIQUE

Succursales :

35, RUE DU CLOCHE

88, AVENUE GARIBALDI

Lou mounde sount trop fis. Quant is serten de chaz
LACROIX FRÈRES, Limoges, 28, rue du Consulat, TÉL. 16-15
 Ceintures Médicales — Fournisseur du Centre d'Appareillage
 lous tors, lous boussus, lous boucitous, lous ventrus, sount
 dreis coumo de las lumetas et lesteis coumo daus chat-
 ecurôs !

Lous peissous couren s'etacha prei
 lous clios de COLOX, quant is l'i
 soun, is ne poden pus se sauva; las
 racinas COLOX lous tenen tan gros
 qu'i sian. Essayâ !



COLOX
 Rue Adrien-Dubouché
 Pour vous, Messdemoiselles,
 Poissons rouges, Aquariums, Bibelots

Dî lou darniei limero dô « Galetou » ente voû à legi « Lou Che dô fotour », quelo gnorlo chobavo entau :

...ne pode pâ voû lou fâ veire, ô ei creba. — LOU VIEI MARSAU.

Caucû an be coumprei que lou che do fotour erio creba ;
 mâm d'autrei an cregu que lou viei Marsau erio mor. D'obor,
 gn'io mâm lâ beitiâ que creben, e lou viei Marsau ne vô pâ
 muri. O ei be qui, e denguero gaillar per voû countâ de l'istô-
 riâ dô ten possa et voû fâ rire en piti. N'en veiqui n'autro :

Lo Chobiardo

Châli, qu'orio fileur châ Teodor, aimavo lou ôseû. Si voû
 viâ vu châ se, ô n'en vio de toutâ l'erpessâ dî no grando gabio
 qu'ô vio metudo dî lo cour, dô coûta ente venio lou soulei. Lou
 veijo suven sur lo plaço do tribunau, lou diomen mandi, e ô
 s'en tournavo jomai sei vei chota caucâ tourtoulâ obe caueki
 fioteû.

O vio aiua Peteu, soun vesi, a bessâ un bouci de vargei, e
 Peteu per lou remerchâ, li vio bolilia un brave chobiar. Châli
 erio plo couter, mâm un sei qu'ô vio fâ lo deiguello coumo dou
 comorodâ, l'eideyo li vengue de jugâ un tour a Peteu. Segur ô
 li voullo pâ de mau, ô erio tocognou sei meichanceta, e qu'orio
 soulomen per s'omusâ.

Quan moû trei cheifi surtigueren de châ lo mai Paillasso,
 que tenio auberjo, n'rio pâ loin de lo mieine e fojo un fre de
 conar ; mâm i vian lo teito chaudo e ne sentian pâ que co jolavo.

Lou gran Piozou disse : « Fô nou nâm couejâ. » — « Nou li
 niran demo » reipounde Nator, que bantavo. Ma Châli, que
 vio soun eideyo, disse : « Bouei n'an be lou ten, seguei me,
 nou van rire. »

Châli lou mene dovan châ Peteu que dermio deipei lounten.
 O li credo, mâm re ne remudo. Vejan co, moun drôle se me de
 tûtâ e tûto, tûto, tûtorâ-tu. A queu momen, Peteu draibo lo
 croiseio e di : « Qu'i ei co que fai tou queu bru. Que volei vau-
 trei ?... »

Châli, fozan so pîto vou de caucu qu'o dô molur, li credo :
 « Dovalo vite, Peteu, t'en preje, dovalo. »

Peteu pren soun pantolou, so vesto, sâ groulâ e dovalo. Tou
 renfrejî o draibo lo porto a meita : « Qu'eï te, Châli, eibe,
 qu'eï aco ? »

— Tu sabei be lou chobiar que tu m'a bolliâ ?

— Eibe, aprei...

— Eibe qu'eï no chobiardo ! li credo Châli di lou nâm, e pren
 lou coure per jugnei lou autrei.

O ne vio pâ fâ vin pâ qu'un borou, que Peteu vio trouba
 dorei lo porto, li ribo en ple dî l'echino e li coupe lo le.

« Te lo vô bolliâ, me, lo chobiardo, feignan, Bourineur, sole-
 ta ! » di Peteu en boran lo porto. « Tu li tournorâ petâ dî lo
 proucessi !... »

LOU VIEI MARSAU.


No bouno nuvelo

Lou Galetou dau mei de Mai siro double, co siro un
 Galetou breichat ! Veiqui perque : L'autre sei, au théâtre, lou
 mounde rizian que lour ventre lour n'en fazio maû, et is
 n'avian pas prou de mâs per applaudî lous artistes de l'Ecole
 d'Art Barbichet que jugavan « En conciliaci », lo nuvelo
 coumedio de mousur René Farnier, felibre majourau. Nous pen-
 seren que co fario plasei aus abounas dau Galetou de io legi,
 et nous damanderen à Moussur Farnier lo permeci de l'imprima-
 mât. O se metet de rire et o baillet lo permeci, per mour qu'o
 troubo lou Galetou a so modo et qu'o penso coumo n'autreis
 que faut dehargnâ lous Lemouzis. Lous lectours dau Galetou
 van se regalâ !

Co faro un gros et brave journaû. Mas l'imprimeur ne
 baillio pas soun papier !

Bouei, quaucu payaro be : lous abounas riben de tous fous
 biais : ils meten din's n'envelopo lour adresso et 6 timbreis de
 die sôs et is iô renvouyen :

au Directeur dau Galetou, 21, vieillo routh d'Aisso, Limoges
 Fasei coumo is !




BUVEZ LES NOUVEAUX
SODAS LAPLAGNE
 Pur sucre - Digestifs - Rafraîchissants

Chaz J.-B. PENOT, Bimbeloterie Limousine
 11, rue Elie-Berthet, Téléphone 18.26

quei lou Paradis daus pitis. Is li trouben de la poupeis bien
 bournadas et salidas, de las boulas, de las quillas, et tout...
 Menaz li votrei menagei, et fazez lous chôsi... aprei vautreis
 aurez lo pa.

Au vend en gros et au détaillé.

PER SE MARIDAX



Lo fillo d'au p'ai I astridâ
 Voulio be prou se maridâ !
 — « Qu'a m'ennuio d'essei bergeiro
 » Qu'eï moun tour d'essei menageiro
 » Et de fâ marchâ lo mejou. »
 Countavo-lo un pau pertou.
 Mas lous garçous ne venian gaire ;
 Lo paubro n'avio re per plaire,
 Et lo passavo sous diomens
 Toujours soulo, plo tristomen !
 L'ero pito, un pau vôtudo,
 Et l'avio prengut l'obitudo
 De reniflâ, de tens en tens,
 Per fâ rentrâ ce que li pen
 Sous soun grand naz, ple de gourmello.
 Sur so teito, lo rabaneilo
 Feci lous piaus, redeis, fourchus,
 Toumbo pertout sur soun fichu
 Et pebro so coueffo en dentello ;
 Jautâ platâ, ouës de bigouei,
 Lo ne po gaire fâ phasei.
 Din's soun mirouei se trouban gento,
 Lo se cresio fraicho et plasento.
 Lo ne poudio pas coumprenei,
 — Et lo n'en ero dins l'enei —
 De veire touto so jônesso
 Passâ, entau, sei no coresso.
 Et ta be, un jour, lo filet
 Per nâ dire soun chapelet
 A la Vierjo, dins lo chapello.
 Aprei vei lucha no chandello,
 Las mâ juntâ, lo li disset :
 — « Mo bouno mai, sai devant te.
 » Te baliarai tout ce que foudro
 » Mai tout ce que toun piti voudro :
 » Ecoute-mé...
 » Marido-mé... »
 Lei doun, no pito vou pounchudo,
 De lo baboyo, pertant mudo,
 (Pardi, qu'ero lou meriglier
 Bin cata sous lou beneitier)
 Li repoundet : « Tu seis trop vorro !
 » Nou, jamai tu ne siras norro ! »
 Lo bouno drôlo reniflet,
 Se levet, viset, carculet :
 — « Qui diable me te queu lingage
 » L'enfant Jésus ? Mas queu meinage,

» Queu gente piti drôletou,
 » Ne li couniei pas re d'au tout ! »
 Et lo li faguet so prejeiro :
 — « Laisso parlâ to sainto mai,
 » Lo so, mier que te, coumo sai ! »
 Lo n'en puravo lo bergeiro !
 — « Tu seis vorro ! » tourne la vou.
 — « Vorro ! disse-lo ; là ! qu'eï prou
 » M'en vau ! » Mâ, en passan deforo,
 Lo li crede : « Ah ! io sai vorro !
 » Lou boun di veille, qu'à vingt ans
 » Tu n'en troubais que valian tant ! »

FRANCÈS.



La laveîris et lo politico

Lo Cati et lo Mioun sount toutes douas soulas au ris. Las parlen de politico.

LO CATI. — Ne sabe pas si qu'eï per se foutre de me, lou notre me disset l'autre jour que las fennas navant vôtâ !

LO MIOUN. — Is iô disen. Per fâ enrâjâ notre home li dise que votaraî per lou pus gente !

LO CATI. — Mo fe, me, aimorio mier lou pus riche. Me servirio mier de lo fourtuno que de lo beuta.

LO MIOUN. — Qu'eï be vrai, Cati. Lo beuta ne se minjo pas en salado !

LO CATI. — Cambe l'io-co de quâs députas, sabez-vous Mioun ?

LO MIOUN. — Ne sabe pas mais que vous, Cati, mais is sount no troupo, beleu un couple de cent, per mour que moun gendre qu'o fa soun tem à Paris dit que lour Chambro et si grando et si brâvo.

LO CATI. — Eh ! mo paubro, qu'eï no bravô chambro, mais pus bello que lo nôtro, que n'io mas dous mechants liets et no coumôdo et que ne pourriâs pas li se virâ !

LO MIOUN. — Quant vole fâ marounâ lou notre, li dise qu'o ei trop beitio per fâ un conseiller. O repound tout eimali : Ne me sais jamais presenta en degunle, mas tant qu'a fâ voudrio essei députa, et io sirâ beleû un jour, sans me pourtâ !

— « Voudrio be veire co, paubre einoucen ! » — « Tu iô veiras pas per mour que quad siraideputo iô sirâ veve ! ».

ORELHO DE LEBRE.

Cresci-me, per réussi di lo vito, fô esise bien billa; si yoû semblâ un peirouliei, degu yoû viso.

Veiqui là feitâ, nâ vite yoû fâ prenei mesuro châ

Paul DUMONT
Tailleur

13, Boulevard Victor-Hugo

LIMOGES

Lou boun libréi !
5, place Fournier, LIMOGES
Téléph. 27.52

LIBRAIRIE PALISSON

E. DESVILLE, Succ.
Lou boun papiei !

Lo Meichant Maïre

Chanson Limousine recueillie par JEAN LAGUENY.

Allegretto

Un peu plus lent

1^{er} Couplet: Ai no mei-chan-to māi-re

ten.

Quan io ve-ne do chan — Lo coun-to moun o - veil - là

ten.

Si là li soun tou-tâ « Bouei tour-no là cher-châ, Pi-ri-to mol-u-

ten.

« trou - so. Si tu là trouba pa — Batu-dó tu si .. râ »

I

Ai no meichanto māire
Quan io vene do chan.
Lo counto moun oveillâ
Si là li soun toutâ
« Bouei tourno là cherchâ,
» Pi-ri-to molurouso.
» Si tu là trouba pâ,
» Batudo tu sirâ. »

II

Ente volei-vou qu'âne ?
Oro que qu'ei tan tar.
Lo luno ei cousejado
La veiria pâ trouba.
Io jute sur mo fe
Que si rencontro Pierre
Qu'o voullo m'embrossâ
Io me laisserai fâ.

III

D'en sú s'en vengue Pierre
Soû socliau en so mo.
Soun chapeu sous l'aisselo
Courio tant qu'o poudio.
Io t'ai be tan chercha
Pi-ri-to mo mignardo
Io t'ai be tan chercha
Qu'a lo fi t'ai trouba. »

IV

Si vou m'a desiredado
Mai me Pierre aussi
Di lou bô, di lo prado
Ne cesse de sufrir.
O diable chô l'omour
Que baillo tan de peino
Lo ne coumo lou jour
Duroco-co toujours ?..

Quelq chansou se vend chez JEAN LAGUENY, boul. Carnot

Ei-t-eu sabourous notre galetou ? Nous li mettent be tout ce que faut per que lo pâte sio bouno, mas, per moun armo ! bo se deboueiro pas per re.

Abounas v'autreis. Co n'ei gro tant char : treis francs, lou prix de douas pintas de vi, per vous fâ rire tout'uno annado. El qu'ei aisâ fâ : 6 timbres de die sôs dins no lettro et votro adresso...

Envoya lo lettero au directour do « Galetou », 21 ancienne route d'Aixe, Limoges.

Veiqui lou moment daus maridages. Per fà feito chaz vous
ding de bounas coundicis, adressas-vous a lo méjou.

REINEIX, 13 ter, rue Lavoisier, Limoges. Téléphone 30.61,
que vous préféreriez de braves cuberts, de la vaisselle bien blanchie,
dans verre grands et petits pour beurre, lou vi, lou champagne et
les quittes liquoreux que l'on fournit, ainsi que l'épicierie de premiers qualités.

Si vautreis volez être bien chaussa, vautrei n'a ma q'r'a
voût adressa au maître bottier de lo ruo do Consulat, A LO
BOTTE D'OR, chez LAPEYRE. Au ô n'armado de gentas
demoisselas que, sei façous, vous troubarant chaussuro à votre
ped.

O vend dau boun et dau boun marcha, doua qualitas maleizadâ a troubâ pertou.

Gn'io pâ de pù jentâ fennâ que là Limousinâ.
Mâ là soun là reinâ do mounde quand là pourten dò
ornemen de
chaz **VALÉRY, Bijoutier, 45, rue du Clocher**
Dî que mogosin, diriâ que lou soulei li lusi lo ne coumo
lou jour.

Co n'eï pû lou ten ent'un se servie de gagei de bouei per
metre lo pitango; gn'io mâ lous sôvageis que countugnen de
fâ entau. Oro, di no meijou bien tengudo, un veu de là
chieitâ, dô bôlei, dô solodiei, dô toupi en bravo porceleno de
Limôgei. Nâ fâ no virado chaz **P. PASTAUD, Musée des Por-**
celaines, 14, 16, 18, rue Jules-Noriac, Limoges. Co ne couto re
de visâ, mâ qu'eï talomen brave qu'un en ei tout-t-eiblozâ.

LO TARSIEIRO

A chaque cop que i'ai goûta
De queù vi gris si reputa
Qu'is massen devers Etagnac,
Per moun armo ! i'ai plo sougna
A d'un mechant tour que queù vi
Juguet un jour a moun cousi.
Nous vian dins queu tem, à Cramaû,
Un viei ounicle, n'originai,
Qu'avio luja nouj pas no pauchon
Mas no feno de la mo gauche !
Moun cousi que partio soudart
Net lou veire un sei un pau tard
Per se faire graissâ lo pocho
Qu'erieo tant plâto qu'uno écho.
L'ounicle disset : « Veiqui n'ecu,
Mâs qu'eï pas tout, tu seis vengut
Faut que tu soupei coumo nous ;
Tu coneijaras a lo meijou. »
Per vous parlâ de queù soupâ
Et vous dire tous lous bous plats
Qu'is minjeren quelo veillado.
N'ai gro lo lingo prou deliado.
N'en faguet passâ sous lo clairdo !
Quant is riberen au pâti
L'ounicle li disset : « Moun piti,
Te vole fâ goutâ dau vi
Coumo un n'en beû pas tous lous jours

Qu'eï dau sirop et dau velours !
Tant que lou boun viei deioueiravo
Sa bouteillâs dedins so câvo,
Lo pauchon que vio fa soun plan
Courguet dins l'étable en fujant
Et lo debriquet lous pourtaûs
Per fâ sorti tout lou betian.
A peinâs ero-lo ribâdo
De quelo pito permenâdo
Que lou meitre tourne mountâ.
O pourtâvo sans lo quinta
Coumo no chaûso relegiso
Uno tarsieiro toutto griso
De ranelâs. Lous dous autreis
Lou visavan. D'abord lou viei
Qu'ero tant redet qu'un nouâtâi,
S'en anet deibri soun eimari
Per cherchâ lou tiro.bouchou.
A queu moment dins lo meijou
Aurias auvi pouchâ un pei.
O rempliguet lous treis verreis
Tout bravomen, jusquanto au bord.
Après vei trinca, tout d'abord,
Is n'en begueren no gourjâdo.
« Per moun armo, queù vi m'agrado,
Et jomais dins moun gourjoreû
Re n'o passa d' si fameû.
Q'eï no liquor de paradis !

A l'ounicle disset moun cousi.
Goutolou bien, faguet lou viei,
Io crese que qu'eï lou darrei,
N'io pus entau sous lous fagots.
Laissan lou resto per demo !
Nan dermi ! O boûcheton soun vi
Et se net coneijâ, rejaûvi.

**

Quant ô se mettet de rouflâ,
Veiqui la pauchon de crêdâ :
« Notre meître, notre moussur !
Paubro de Di, un grand malhur,
L'ecurio ero maû barado
Tout lou beitiaû ei dins lo prâdo ! »
Mas tau dem que notre einoucen
Galoupavo apres so jumen,
Lo drollo faguet tôt levâdo.
Queû bougre de piti fusi
Secoudio déjà moun cousi.
Lo li disio : « Lou meître ei loin
Nous soun tous sous, prouftien-n'en !
— Fe de plâ, disset lou garsou,
Faut n'en prouftâ, t'as rasou ! »
O sautet daus liet sans lumiero
Et courguet... chatâ lo tarsiero !

LO PETIT CHAZ-L'HÔTE.

Paubrâs Metadieiras !

Madamo Lo Bicho, qu'avio vengut passâ las vacanças de
Paqueis dins soun château, rencontret l'autre jour lo pito
de sous metadiers que gardâvo l'oveliâs.

— Adi Lizou, disset-lo, qu'eï te que fâ la bargeiro, ahuei ?
— Ahuei mais tous lous jours, madamo, per mour que mo
grando sor, que se maridet antan, o fa un piti !
— Co n'eï pas coumo co que faut dire, Lizou. Co n'eï pas
brave de parlâ entau.

Lo Lizou, que n'eï gro mau elevâdo, échapet lou purâ.

— Pardounâ-me, madamo. Coumo foulio-co dire ?

— Foulion dire : mo grando sor o chata un piti.

— Si co vous faî plâseî, io dirâ entau, madamo, mas co
siro no meisounjo. Chaz nous qu'eï malhurousadamen chaz
Bourso-plato, et per chatâ lous pitis faut vei de l'argent. Qu'eï
boun per las damâs de lo villo que n'en manquen pas. N'autras
que ne soun mâs de paubrâs metadieiras, nous lous cha-
ten pas, nous lous fan !

LINGUO DE PEILLAS.

AU CATEGIRME

Lou curé damandavo au piti Marsau ce que fau fâ per eissei
sauva.

Marsau repounder : « Faut bien sabei fugi, moussur lou
curé. »

— Eh be, moun grapaû, co vai te servi si tu sabei fugi, per
mour que si pode te trapâ, io vaû elounjâ tâs oreillâs d'ané !

Lo chaminado que fumo

Lou paî Piarou demouro dins un crôs de meijou que dirias
pu tôt n'etale d'oveias. Mas chacun soun goût. Un peintre
de Limogeis io troubet à so modo, et o fasio lou pourtret de
la baraquo, quand lou paî Piarou s'apreimet au moment qu'o
dessinavo lo chaminado : « Bouei, moussur, li mettez pas lo
chaminado, lo fumo talomen que chaz nous dirias un
cliedie ! »

Quand lou vi ei boun beuriâ quand n'auriâ pas se.
Si vaufreis voulez de boun vi, baillâ votro pratico à...

René JACQUET

60, avenue Adrien-Tarrade
LIMOGES
Tél. 2.93

Soun vi, qu'eï de las chansouns en bouteillâs !

Châz PAUL JOUHAUD ia vu de trop bravas besugnas : no troyo-mobilo que fugi coumo lou vent, no pito bouteillo de fer ente liò dan gaz butane per mais de treis meis, co ne pu pas, co se lumen en d'uno lumeto o be en d'un cop de pirtoulet, et un n'o pa vira lous talous que l'aigo bur. L'i ai vu aussi lo T. S. F. que parlo tous lous lingageis dau mond, nà dins lous

ÉTABLISSEMENTS JOUHAUD, RUE GUSTAVE-NADAUD, TÉLÉPH. 14-23

LA MAISON DES " FORD "

Vautreis ne tournerez pas serti sans châta qu'aucore !

Un boun remedî

Lous coumplimens fan toujoures plasei. Quant is venen d'un saben medeci coumo lou D^r J. Pescher, ancien presiden daus Lemouzis de Paris, is semblen denquero pus sabourous, et nous voulent n'en fâ prouftâ tous notreis amis.

Veiqui ce que nous ecri moussur Pescher :

Eimandi en gravechan di moun eimâri, ai trouba un brave ecu de treis francs. Lou baillé au fatour per m'abouunnâ a votre journaû si plasen « Lou Galetou ».

O ei trop bien a mo môdo ! O so amusâ tout-lou mounde sei engrôgna degu.

Qu'eï entaû que fasian notreis anciens et is n'eran gro pus betiâs que n'autreis. Qu'eï be diferen ahuei. Tous lous jours is venen me counsurta per me dire qu'is n'an pu fam et que ce qu'is minjen is iô degerissen pas.

Co n'eï pas eitounan. Is se fan trop de mechant sang. Lours fegeis o l'air dessei tutto lo journado dins l'oli bulien !

Lour dirai de legi « Lou Galetou ». Ils n'auran pus besouen de más mertis. Is pourran minjâ, a lour plasei, dau sala, daus boudins, daus indunleis, daus giraus et de las quittas gógas si qu'eï lour goût !

D^r J. PESCHER.

Eicoutan lous counseils de queû boun medeci que faî tant d'honneur a notre « Galetou ».

Per se bien pourtâ ne faut pas se fâ de bilo, per fâ fugi lo bilo faut rire et per rire faut legi « Lou Galetou ».

Qu'eï aco, qu'eï aco...

Blanc coumo la, negre coumo charbou, qu'o lo couo facho coumo un panlou.

Beucop de pitas rejâs ente l'aple n'o jamais passa.

Mais n'i en o, mins co pézo.

Qu'eï co que trauco io rivieiro sans se mouillâ ?

Reponsas dau mei de mars

- 1° Lo brouetto.
- 2° Lo routo.
- 3° Lo peilo.
- 4° Lo vacho.

6 et 3 ? — 8 disse Milou. Is se mouqueren de se.

Pertan ! Fasei 6 barras entau : |—| |—| |—| Metez l'autrâ 3 en travers. Oro legissei, m'eivi que nio HUIT.

Que faut co beure quand un n'o pas set ? Faut beure qu'aucore de boun. — Re de meilleurs que lou « ROYALET » lou reî dans aperitifs, entre Moussur LAFARGE o mèf lou parfum de las fraisâ daus bôs et de la framboisâ. — Per moun armo quand un li o mei lou nâz, se pintoriâ sans s'en apersegre !

Etablts LAFARGE-REBOUL, 14, Avenue Emile-Labussière

Las treis fillas de Malibâ

L'autre jour lou pai Malibâ avio mounta chaz lous pitis faureis, autramen dit chaz Picassou, fâ farâ un paret de biôs. O li rencontret lous fis Cadichou de la Bouejâs et coumo chaz Picassou tenen auberjo, is gouteren lou vi gris. Mas queû vi gris ei couqui, et quant lo Mimi aguet pourta lo segundo pinto las lingâs se delieren. Lou paï Malibâ fasio de las perpausescis à Cadichou.

— Ecoute, piti, disio-teu, tu conneissei mas treis fillas, las valent lou barrâ l'ensei. Chauzi quelo que tu voudras. Lo pus jôno, n'en sei pas en peno, l'ei, coumo un dit, a lo damando, l'o daus oueis que parlen per ello. Eitabe, si iô mette cinq billets de milo francs dins lo pôcho de soun davantaû, lous garsous se battrant per lo vei. Iô bailliarai die milo francs a lo cadeto ; l'ei de quelas qu'un n'en dit re. Lo pus vieillo n'eï pas si gento ; is disen que l'ei un paû boussudo et que lo churlio. Mas lo beuta se minjo pas au plat. Si tu lo prenei, tu faras un boun affâ : li proumete lou quart et lis cointarai vingt milo francs au countrat. Que n'en pensas-tu ?

— Paï Malibâ, faguet Cadichou, vous ne sei pas deirassou-nat. Mas, per hazard, n'aurios-vous pas n'autro fillo un paû pus vieillo et un pau pu vorro ?

LINGO DE PEILLAS.

Queu que coueijo coumo lous cheis
Paire ome, tu poueis nâ te pendre !



Jono fenno, bouei verd, po tendre,
Risquo trapâ de las piauzeis

Tu seis fier coumo un petorabo Jantissou !
 Tu preneis tous habis de noço per nà à lo feiro ?
 Tu te troumpas moun paubre Lionard... qu'ei daus habits
 de tous lous jours

Chaz DONY

en d'un viro mo un faï un moussur d'un touerau coumo
 me.

A. DONY

VÊTEMENTS POUR HOMMES, DAMES, ENFANTS

2, 4, 6, rue des Halles, 2, 4, 6, Limoges

Maison la plus ancienne qui ne doit son succès qu'à sa fidèle
 clientèle. — Téléphone 2-84.

Las fennas et las fillas que voulen eisseï billadâs à lo modo
 s'en van chaz BOUCHARA. Las lî trouben ta be qu'a Paris
 ce que se faï de pus nuveu et de pus beù. Et vous repounde
 que l'io de que chauzi.

BOUCHARA

13, Rue du Clocher, 13, LIMOGES :: Tél. 27.64

SOIERIES, LAINAGES, HAUTE-NOUVEAUTÉ.

Chaz SENAMAUD ET SŒUR,
 un po troubâ dau porto monûdo
 ente sautent las pessas, n'io
 aussi de qui pitis sacs brenous
 qu'aiment tant la geintas fillas
 de notre Lemouzi.

SENAMAUD & SŒUR
 26, Rue Montmailler :: LIMOGES

Chaz GRANY, droguerie, 9,
 Place des Carmes, Limoges.
 Telép. 23-92, un troubô tout ce
 que fâ, lou menage : de
 las lèches, us balais, de las
 couloirs, sincœus, dau sa-
 blou, de las sablounetas... un
 n'en o d'abord chata no bou-
 tado !

Is disen que faut beure lo biero en eiti quand fâ
 chaud. Bouei co faï per lo biero coumo per l'amour
 qu'ei toujours lo sasou !

Bevez quelo de Bertrand-Mapataud

Les bières
Bertrand-Mapataud
 Route de Nexon, Limoges - Téléph. 16

Un viei proverbe dit qu'a no
 bravo teito tout va bien. Qu'ei
 beleu be vrai. Mâs lous chopeus
 de chaz LEBUR fan mier que
 co : mettez lous sur no vorro
 teito, lo parei brâvo !

La Chapellerie

LEBUR

et

LEBUR
 MODES

Rue Adrien-Dubouché
 Les mieux assortis de la Région

Co porei que nio daus deleizeis que volen être toujours à
 piau, dau min l'eiti. Coumo lo sasou n'ei pâ ribâdo vou cou-
 seille de na chaz

Jean BOISSOU, Tailleur,

7, Place des Jacobins, Limoges
 per vou fâ billâ coumo fau.

Au printen tout se renouvelo : lous prâs sount floris, lous
 aubreis sount verts. Vous forcez rentrâ lou printen dins votro
 mijou si vous vâ chaz

JEAN BESSE, rue Jean-Jaurès. — Tél. 5.31

Droguerie Parisienne — Peinture « La Limousine »
 châta de bravo pinturo et dau papier de toutâs las coulours.

Is disen que tout ei char. Co n'ei gro vrai. V'autreis ver-
 rez qu'un po veï no bravo garnituro dé chambro per pau
 d'argent, si v'utreis âs lo bouno edeio de nà fâ no visito à

L'Ameublement Général

UNION DES FABRICANTS

Limoges, Place de la Motte, Limoges

**Tout ce qui concerne
 L'AMEUBLEMENT**

Tous genres

Tous prix

Le Gérant : François BEYRAND.

Un boun galetou bien graissa de miau co vau be no crêpo.
 Quen de chaz RAFFIER ei plo lechadi. E sas pastillas sount
 plo bounas, per moun armo !

RAFFIER, Palais des Abeilles

15, rue Adrien-Dubouché, 15, Limoges.

Per eissel fort et santous fau bien beure et bien minjâ.
 Co n'ei gro, dî marçei, lo bouno pitance que manquo, chaz
 nous. Visâs lo bouchorio DELARBRE, sur lo plaço Carnot :
 co baillario l'envio de se mettre lo servieto sous lou babi-
 gnou. Biò, moutou, vedeu, porc, lous boudins, lous ven-
 treis, las couradas et lous quittei endunles. Et co n'ei pas
 de lo viando essorcho, co dau jus et co baillo dau sang !